

“Янги Ўзбекистон - янгича дунёқараш” мавзусида тадбир

“Янги Ўзбекистон - янгича дунёқараш” мавзусида тадбирлар ташкил этилмоқда. ТИҚХММИ “Электротехнологиялар ва электр жиҳозларидан фойдаланиш” кафедрасининг профессор-ўқитувчилари доц. А.Бердишев, доц. Ў.Халиқназаров, асс. А.Турдибоевлар 2020 йил 18 ноябрь куни Ўрта Чирчиқ туманидаги “Гулзор” МФЙ ҳудудидаги 45-умумий ўрта таълим мактабида ташкил этилган тадбирда иштирок этдилар. Тадбирда, “Гулзор” маҳалласи аҳолиси вакиллари, нуруний отахон ва онахонлар, хотин-қизлар кенгаши аъзолари, мактаб ўқитувчи ва ўқувчилари, ҳамда бир қатор фаоллар қатнашдилар.



Мазкур тадбир Ўзбекистон Республикасининг давлат мадҳияси билан бошланди. Тадбир ўта кўтаринки кайфиятда ва карантин қоидаларига риоя қилган ҳолда ўтказилди. Тадбирнинг очилишида “Электротехнологиялар ва электр жиҳозларидан фойдаланиш” кафедраси мудирини, доц. А.Бердишев сўзга чиқиб юртимизда кейинги йилларда олиб борилаётган ижтимоий, иқтисодий ҳамда сиёсий соҳалардаги ислохотларнинг туб моҳияти ҳақида тадбир иштирокчиларига яна бир бор гапириб ўтдилар. Маърузачи кейинги йилларда юртимизда кўпгина соҳаларда қўлга киритилаётган улкан ютуқларга алоҳида тўхтаб ўтди. Тақдимот билан бойитилган ушбу маъруза тингловчиларда катта таассурот қолдирди.



Тадбирда 45-мактаб директори А.Исаков, Гулзор МФЙ раиси Ғ.Турдуқуловлар ҳам ўз маърузалари билан иштирок этишди. Тадбир бадий қисм билан давом этди. Бадий қисмда Ўрта Чирчиқ тумани бадий ҳаваскорлари ва 45-мактаб бадий тўғаракларининг иштирокчилари ҳамда бир қатор спортчи ёшлар ўз чиқишлари билан йиғилганларни хушнуд қилдилар. Тадбирда 45-мактаб ўқитувчилари ва ўқувчилари тамонидан ўзбек, рус, инглиз тилларида тадбир иштирокчиларини табириклашди. Бундан ташқари мактаб ўқувчилари тайёрлаган ҳар хил ширинлик сайили ва китоб ярмаркаси ташкил этилди. Тадбирда “Билимдон-зукколар” беллашуви ўтказилди. Беллашув ғолибларига ва тадбирнинг фаол иштирокчиларига доц. А.Бердишев ва МФЙ раиси номидан турли хил эсдалик совғалари улашилди. Тадбир жуда кўтаринки руҳда ва юксак савияда ўтказилди.



ТИҚХММИ матбуот хизмати